

ცხადდება კონკურსი

თსუ-ს განათლების მეცნიერებათა საგანმანათლებლო მიმართულების დოქტორანტურის საფეხურის სტუდენტებისთვის [როვირა და ვირჯილის უნივერსიტეტში \(ესპანეთი\)](#) ევროკომისიის მიერ დაფინანსებული **ერაზმუს+ პროგრამის სტიპენდიების მოსაპოვებლად**

კონკურსში მონაწილეობა შეუძლიათ თსუ-ს განათლების მეცნიერებათა საგანმანათლებლო მიმართულების ყველა მოქმედ სადოქტორო პროგრამაზე ჩარიცხულ პირველი, მეორე, მესამე და მეოთხე* სემესტრის სტუდენტებს

ესპანეთი

➤ [როვირა და ვირჯილის უნივერსიტეტი](#)

მობილობის პერიოდი: 2025/2026 სასწავლო წლის გაზაფხულის სემესტრი

მობილობის ხანგრძლივობა: 2 თვე

სწავლების ენა: ინგლისური

კონკურსზე დაშვების წინაპირობაა ქვემოთ ჩამოთვლილთაგან ერთ-ერთი:

1) მიმდინარე კონკურსის რეგისტრაციის დასრულებამდე არაუადრეს **6** კალენდარული წლით ადებული შემდეგი სერტიფიკატები:

1. ინგლისური ენის შემთხვევაში:

- TOEFL (90 iBT), IELTS (6.5 მინიმალური საშუალო ქულა) ან CAMBRIDGE (FCE)-ის სერტიფიკატი;
- B2 დონეზე ფლობის დამატასტურებელი სერტიფიკატი CERTUS (<https://naec.ge/#/ge/post/1704>)

ბ) უნივერსიტეტის მიერ ორგანიზებული უცხოური ენების ინსტიტუციური ტესტირების შედეგის საფუძველზე (არანაკლებ 71 ქულისა), რომლის შედეგიც ძალაშია ტესტირების ჩატარების სემესტრისა და მომდევნო 1 სემესტრის განმავლობაში, შესაბამისად, ამ კონკურსის მიზნებისთვის ვალიდურად ითვლება 2025 წლის 7 მარტის, 2025 წლის 1 ოქტომბრის ან/და 2025 წლის 23 დეკემბრის ტესტირების შედეგი;

გ) საზღვარგარეთის უმაღლეს საგანმანათლებლო ან კვლევით დაწესებულებაში კვლევითი სტაჟირების გავლის დამადასტურებელი ოფიციალური ცნობის საფუძველზე დასწრებულად, კვლევითი სტაჟირების ენის მითითებით, სადაც სტაჟირების ენად გამოყენებული იყო შესაბამის უცხოურ უმაღლეს საგანმანათლებლო დაწესებულებაში საგანმანათლებლო პროგრამაზე მოქმედი სწავლების ის ენა, რომელზეც სწავლება/კვლევა/სტაჟირება სურს სტუდენტს წინამდებარე წესის საფუძველზე გაცვლით პროგრამაში მონაწილეობის მიზნით რეგისტრაციისას. კვლევის/სტაჟირების მინიმალური ხანგრძლივობა უნდა იყოს 2 თვე.

დ) საუნივერსიტეტო დონეზე პედაგოგიური საქმიანობის/სწავლების გამოცდილების დამადასტურებელი ოფიციალური ცნობის საფუძველზე, კერძოდ, არანაკლებ 2 სემესტრის განმავლობაში, თითოეულ სემესტრში მინიმუმ 5 კრედიტის დატვირთვის მქონე კურსის წაყვანა, სადაც სწავლების ენად გამოყენებულია შესაბამის უცხოურ უმაღლეს საგანმანათლებლო დაწესებულებაში საგანმანათლებლო პროგრამაზე მოქმედი სწავლების ის ენა, რომელზეც სწავლება სურს დოქტორანტს წინამდებარე წესის საფუძველზე გაცვლით პროგრამაში მონაწილეობის მიზნით რეგისტრაციისას.

ე) ბაკალავრიატის ან მაგისტრატურის საგანმანათლებლო პროგრამის უცხო ენაზე დასრულების დამადასტურებელი დოკუმენტის საფუძველზე, თუკი სწავლების ენად გამოყენებული იყო შესაბამის უცხოურ უმაღლეს საგანმანათლებლო დაწესებულებაში საგანმანათლებლო პროგრამაზე მოქმედი სწავლების ის ენა, რომელზეც სწავლება სურს დოქტორანტს წინამდებარე წესის საფუძველზე გაცვლით პროგრამაში მონაწილეობის მიზნით რეგისტრაციისას.

ვ) ყველა ის პირობა, რომლის საფუძველზეც აპლიკანტები გათავისუფლებული არიან უცხო ენის ცოდნის დამადასტურებელი დოკუმენტის წარმოდგენისგან, ძალაშია მხოლოდ იმ შემთხვევაში, თუკი მასპინძელი უნივერსიტეტი არ ითხოვს შერჩეული სტიპენდიანტებისგან უცხო ენის ცოდნის დამადასტურებელი დოკუმენტის წარდგენას.“

სტიპენდიატთა შესარჩევი პროცესი:

- ელექტრონული განაცხადისა და შესაბამისი დოკუმენტაციის შემოწმება (თბილისის სახელმწიფო უნივერსიტეტი)
- გასაუბრება კანდიდატთა შესარჩევ კომისიასთან (თბილისის სახელმწიფო უნივერსიტეტი ან/და მიმღები უნივერსიტეტი)
- საბოლოო შერჩევა/სტიპენდიის მინიჭება (მასპინძელი უნივერსიტეტი)

სააპლიკაციო დოკუმენტაციის ჩამონათვალი:

1. პირადობის დამადასტურებელი კანონმდებლობით გათვალისწინებული დოკუმენტის - პასპორტის (მისი არარსებობის შემთხვევაში, პირადობის მოწმობის) ასლი (სკანირებული pdf ვერსია);
2. CV-ს ევროპული ფორმატი ინგლისურ ენაზე <https://europa.eu/europass/en/create-europass-cv>;
3. ცნობა სტუდენტის აქტიური სტატუსის შესახებ (გაცემული ინგლისურ ენაზე, სკანირებული pdf ვერსია);
4. მიმდინარე შეფასებების ამონაწერი აპლიკანტის მიერ გავლილი საგანმანათლებლო დისციპლინების მიხედვით, GPA-ის მითითებით (გაცემული ინგლისურ ენაზე, სკანირებული pdf ვერსია);
5. უცხო ენის ცოდნის დამადასტურებელი დოკუმენტი (პირობები იხილეთ ზემოთ). **აპლიკანტებს, რომლებსაც თსუ ენის ინსტიტუციური ტესტის დადებითი შედეგი აქვთ, არ ესაჭიროებათ დოკუმენტის გადმოგზავნა;**
6. მაგისტრის დიპლომის pdf ვერსია;
7. მაგისტრის დიპლომის დანართი GPA-ის მითითებით ინგლისურ ენაზე;
8. **დამატებითი მხარდაჭერა ნაკლები შესაძლებლობების მქონე აპლიკანტებისთვის; (არსებობის შემთხვევაში, სკანირებული pdf ვერსია):**
 - შეზღუდული შესაძლებლობის მქონე პირი (სტატუსი უნდა დასტურდებოდეს კომპეტენტური ორგანოს მიერ გაცემული სამედიცინო ცნობით);
 - სოციალურად დაუცველი პირი (სტატუსი უნდა დასტურდებოდეს კომპეტენტური ორგანოს მიერ გაცემული ცნობით);
 - საქართველოს ოკუპირებული ტერიტორიებიდან იძულებით გადაადგილებული პირი, ან ოკუპირებულ ტერიტორიებზე მცხოვრები პირი (სტატუსი უნდა დასტურდებოდეს კომპეტენტური ორგანოს მიერ გაცემული ცნობით);
 - არასრულწლოვანი ბავშვის მშობელი (სტატუსი უნდა დასტურდებოდეს არასრულწლოვანი შვილის დაბადების მოწმობით);
 - ეროვნული უმცირესობის წარმომადგენელი;
9. შევსებული სასწავლო ხელშეკრულება (სკანირებული pdf ვერსია). ხელშეკრულების შესავსებად გადადით სასურველი მიმღები უნივერსიტეტის ვებ-გვერდზე. დოკუმენტის სწორად შესავსებად კონსულტაცია გაიარეთ თქვენი ფაკულტეტის ხარისხის უზრუნველყოფის სამსახურში (**საკონტაქტო ინფორმაცია იხილეთ ქვემოთ, პუნქტი გ**) და მხოლოდ ამის შემდეგ შეავსეთ დოკუმენტის პირველი გვერდი. სრულყოფილად შევსების შემდეგ დოკუმენტი უნდა დაამოწმოს თქვენი ხელმოწერით და **ფაკულტეტის ხარისხის უზრუნველყოფის სამსახურის ხელმძღვანელის ხელმოწერით და ფაკულტეტის ბეჭდით. დანართი 1. (გაეცანით შესაბამის რეგულაციას);**
10. რეკომენდაცია ინგლისურ ენაზე
11. საკვლევი გეგმის მონახაზი არაუმეტეს 2 გვერდისა; *ტექნიკური მახასიათებლები: ფონტი - Times New Roman, ფონტის ზომა - 12, line spacing – 1.0, ველები - 2სმ. მონახაზი უნდა დაიწეროს იმ პროგრამაზე მოქმედ სწავლების ენაზე, რაზეც განაცხადს აკეთებთ;*
12. მასპინძელი პროფესორის (სამეცნიერო ხელმძღვანელის) მიერ გაცემული დაინტერესების წერილი (**Letter of Interest**) რომელიც გაცემული/ხელმოწერილი იქნება მასპინძელი უნივერსიტეტის შესაბამისი აკადემიური მიმართულების სამდივნოს ან/და პროფესორის მიერ;
13. აპლიკანტის ინფორმირებული თანხმობის ფორმა (*გთხოვთ, ჩამოტვირთეთ დანართი 2, შეავსეთ გამოტოვებული ველები, ხელი მოაწერეთ, დაასკანერეთ და ატვირთეთ pdf ვერსია;*)

* სადოქტორო სტიპენდიებზე განაცხადის გაკეთების მსურველი მეზუთე და ზედა სემესტრების დოქტორანტების საყურადღებოდ: დოქტორანტურის საფეხურის მეზუთე და ზედა სემესტრების ის სტუდენტები, რომლებიც 6 სასწავლო სემესტრის განმავლობაში ვერ ახერხებენ სწავლის დასრულებას, აღნიშნულის თაობაზე ფაკულტეტის მიერ გაცემული ცნობის წარმოდგენის შემთხვევაში, დაიშვებიან კონკურსზე. ცნობა უნდა წარადგინოთ არაუგვიანეს 5 მარტის 13:59 საათის შემდეგ ელ ფოსტაზე: outgoingmobility@tsu.ge

გაცვლით პროგრამაზე განაცხადის გაკეთებით დაინტერესებულმა სტუდენტებმა უნდა გადმოაგზავნონ სააპლიკაციო დოკუმენტაციის სრული ჩამონათვალი (pdf ფორმატში) არაუგვიანეს 2026 წლის 5 მარტის 14:00 საათის შემდეგ ელექტრონულ ელ-ფოსტის მისამართზე: outgoingmobility@tsu.ge

- გამოგზავნილი განაცხადის შეცვლა შეუძლებელია;
- გასაუბრების დრო, თარიღი და ადგილი ინდივიდუალურად დაეგზავნება ყველა აპლიკანტს პირად ელ-ფოსტაზე;
- გასაუბრება ჩატარდება ცოცხალ რეჟიმში

სტიპენდია მოიცავს:

- მიმღებ უნივერსიტეტში რეგისტრაციის გადასახადისაგან გათავისუფლებას,
- ყოველთვიურ სტიპენდიას [ვეროკომისიის მიერ დადგენილი ნიხრით](#),
- ორმხრივი საერთაშორისო მგზავრობის ხარჯების ანაზღაურებას [ვეროკომისიის მიერ დადგენილი ნიხრით](#)

შერჩეულმა სტიპენდიატებმა თავად უნდა აანაზღაურონ სავიზო მოსაკრებლისა და ყოველთვიური საერთაშორისო დაზღვევის ხარჯები!

ბ) კონკურსის ორგანიზების საფუძველი და შერჩევის წესი

თსუ-ს რექტორისა და ადმინისტრაციის ხელმძღვანელის ერთობლივი ბრძანება სსიპ - ივანე ჯავახიშვილის სახელობის თბილისის სახელმწიფო უნივერსიტეტის სტუდენტთა საერთაშორისო გაცვლით და მობილობის პროგრამებში მონაწილეობისათვის შერჩევის წესის დამტკიცების შესახებ <https://www.tsu.ge/ka/foreign-relations/page/8837>

„უმაღლესი განათლების შესახებ“ საქართველოს კანონის” 49² მუხლის მე-4 პუნქტის თანახმად, დაუშვებელია გაცვლით საგანმანათლებლო პროგრამის მონაწილე სტუდენტისათვის სტუდენტის სტატუსის შეჩერება. მობილობის პროგრამაში მონაწილე სტუდენტი მშობლიურ უნივერსიტეტში ირიცხება, როგორც აქტიური სტუდენტი და შესაბამისად, სტუდენტმა ყველა სემესტრში უნდა გაიაროს ადმინისტრაციული რეგისტრაცია! (tsu.ge)

გაცვლითი და მობილობის პროგრამების მართვის ელექტრონულ სარეგისტრაციო პორტალის mobility.tsu.ge გამოყენების სახელმძღვანელო https://tsu.ge/assets/media/files/42/OutboundMobilities/UserGuide_mobility.tsu.ge_v1.pdf

გ) ხარისხის უზრუნველყოფის სამსახურების საკონტაქტო ინფორმაცია

ფსიქოლოგიისა და განათლების მეცნიერებათა ფაკულტეტი: თამარ მანაგაძე tamar.managadze@tsu.ge

გთხოვთ, გაითვალისწინოთ, გაცვლით პროგრამაში გამარჯვებულმა ყველა სტუდენტმა (მობილობის განხორციელებამდე) უნდა გაიაროს სავალდებულო **სასერთიფიკატო კურსი „ინტერკულტურული კომპეტენციები“**.

დამატებითი კითხვების არსებობის შემთხვევაში, დაუკავშირდით საგარეო ურთიერთობათა დეპარტამენტს ელ-ფოსტაზე: outgoingmobility@tsu.ge